

石雲山人詩集

石雲山人詩集卷二十二

試帖

南海吳榮光伯榮

賦得百穀仰膏雨

得豐字五言人韻

帝澤孚時澤田功卽

聖功

九重調雨若百穀仰

恩同萬井歌生我千犁慶助公澗舍方翼翼陰膏又芄

芄脈已如酥透心先有滄通神漿三日飽農塏一

旬融鳥語油雲外人行膩漲中霏甘符

睿念多稼兆年豐

賦得與人一心成大功

得功字五言八韻

都護征西騎安邊紀大功人經千戰後馬許一心
同萬里原初志三軍况匪躬笳聲延歲月鞭影走
雷風正喜霜蹄碧甯辭汗血紅身催絲絡老恩憶
綽衣隆高閣麒麟畫連營兕虎雄封侯綠底事可
念舊青驄

賦得禽鳥聲亦樂

得豐字五言八韻

物意如人意康年樂亦同秋聲禽鳥集歲景稻梁

豐對語朝烟外紛暄夕照中林爭棲處碧粒話啄
餘紅答響連枷露流音隔剛風告歡調玉燭送喜
協璿箏飛動真機暢生成大化工羣才鳴

盛日翹羽在梧桐

賦得麥隨風裏熟

得風字五言入韻

正好天宜麥遙知隴有風香隨晨潤泛熟趁曉光
融細浪瀾漫裏涼雲澹沱中連旬催玉屑千顆聚
珠叢颺碧含漿飽勻黃得氣充春留番廿四人計
畝南東息借細縕妙時收長養功迎秋先告稔

泰宇慶綏豐

賦得國崇美穀

得崇字五言八韻

國本惟民食先謀百穀豐種知糜芑美香以豆登
崇藉亥耕方舉祈辛祀最隆賦分田上下疆紀畝
南東玉粒天康降金穰地利充艱難依稼穡咨茹
到臣工耕積三年制修和六府功普存歌

帝力黼座軫維供

賦得涇關流川

得通字五言八韻

涇涇傳經訓疏川引注功關因羣脈會流納百支

通近派涓涓活遙波混混同象觀爲瀆坎機協出
泉蒙燕尾斜溪外龍鱗比隰中萬塍原左右千剛
畝南東漕挽江淮利渠滋鄭白豐合龍河軌順

宵盱勅

宸衷

賦得琥珀拾芥

得通字五言八韻

巧拾徵丹珀靈根感召同千年松已化一氣芥能
通妙蒂分毫裏餘光指掌中纖纖霜少起宛宛螭
花烘月暈吹塵淨霞瑩到地紅掇甯飛羽負吸爲

刻脂融膠漆臣工契茅茹

帝治隆旁求聲氣應善喻紀王充

賦得風雨奉龍

得龍字五言八韻

海雨連風至蒼茫起蟄龍騰空隨變化奉令助鴻
溶大澤濤聲卷中流斗氣衝迅圍光四合快挾浪
千重灑軸羣靈護飄輪萬息從雲雷增猛勢蛟蜃
懾神蹤身為文明見人欣解作逢爲霖皆

帝渥肅若遍

堯封

賦得綠竹夾清水

得江字五言八韻

妙擬園池景吟詩句憶江數竿圍罨畫一水夾瑯
淙綠意論應萬清心對此雙烟痕浮曲澗雲影澹
虛牕碧靄溶溶漲香飄疊疊缸波迴依翠塢徑轉
露紅椿筍雨添新穀林風汎小艫湛華歸

上苑和氣被蘭茝

賦得有典有則

得賄字五言八韻

冊府稽文命明徵訓有之典承堯舜紹則建帝王
師誕錫天惟敘洪敷國是儀壤咸三作賦官以六

分司立法昭衡度陳常煥鼎彝禹謨千古在

聖錄十全垂平蕩臣民軌中和禮樂基

一人隆紹守兢業答

謀貽

賦得好雨知時節

得知字五言入韻

雨意如人意休徵好及時農功依節課

帝力普天知風約連番信雲占十日期扶犁看有滄運
斗識無私潤計梅旬及涼應麥候宜關心南畝墾
屈指大田耔順序三登協懷

恩萬物熙

齋心孚滿缶閭澤徧疆陲

賦得歸奇于劫

得奇字五言入韻

閨以餘分置求端欲問著象三方有數揲四恰零
奇著手歸除後從心聚劫時陰陽含變化氣朔判
盈虧匏識新簧協桐占小葉宜拈花旁蒂悟指月
再圓知積筭參勾股觀爻展筮儀

聖功欽敬授長晷駐

堯曦

賦得陂塘五月秋

得陂字五言八韻

不信三秋景偏逢五月時
野塘清若此空水澹相宜
小舫衝明鏡深杯坐碧漪
嫩涼紅藕覺新爽白蘋知
尙怯羅裳薄何勞羽箠持
樹含朝雨潤峰失夏雲奇
乍喜炎威減旋看素節移
浣花人未遠相約泛南陂

賦得宛馬總肥春苜蓿

得肥字五言八韻

宛種驕駟至春場
苜蓿菲五花邊牧盛
百草塞羣肥地接流沙道
天開渥水圻幾家炊紫熟
十里放

青歸香粒調金埒雄心願玉鞿龍文司僕駕駿版
屬賓圍服養

恩知感馳驅願豈違大凌關外地馬政仰
宵衣

賦得政如農功

得如字五言入韻

農政釐成日

皇心宥密居

天功三極運月令四民書事本時言柄勤同歲計畚金
穰甘露遍玉燭惠風噓盡力謀溝洫知艱念室廬

幽園千耦備

舜軫萬幾餘
雨喜公田及
雲占我稼
如卽今康
屢降

郵化普衡間

賦得洪鐘虛受

得虛字五言八韻

試驗鐘方寂
都緣樂出虛
量能占受以
用恰應洪
如清籟時相待
元音妙不居
理參鯨吼外
心悟蠡
追初遠寺霜
初落深堂雨
乍疎叩原隨
大小契足
領舒徐玉漏傳

中禁金鈴對直廬
五聲歸

聖聽敷納

萬幾餘

賦得如衡如石

得如字五言八韻

試驗衡懸際還觀石設初重輕權可以高下式均
如一一星圖審煌煌冊府儲二分同律月六職考
工書但覺心持準應知肺聽虛柄從三極運數積
四鈞除因應隨相付稱量妙不居

聖人齊七政平治協寰輿

賦得有孚惠心

得孚字五言八韻

益下經言惠咸中

帝有孚渙羣民志應吹萬

聖心符念並陰陽協功歸暢泝俱八方調玉醴一氣運
瑤樞性宇恢彌廣情田種更腴天和皆覆露地利
亦涵濡澤待時風普雷占閭霽趨咸通

欽若契總荷

主恩敷

賦得有孚盈缶

得孚字五言八韻

筮比爻爲缶占盈卦啓圖有舍坤以載其信坎能

孚內蘊三才秘中涵萬象俱化機雷雨滿誠意澤
風符理徹潭千印心疑月一壺簋樽維貳用谿谷
已同敷抱蜀神明器調鈞造化爐斗杓

辰極運羣仰

聖訐謨

賦得斜景雪峯西

得西字五言入韻

雪霽諸峯後峯晴日已西天高羣玉削雲護一輪
低冷氣森中嶺斜暉射隔溪右陵開粉本左澤燦
金坭返照從東轉寒光漸上躋燭龍銜耀落瓊樹

不學山人身
卷二二二
挺枝齊雁背千尋度鴉翎數點棲空山人獨立新
月到前隄

賦得秋末晚菘

得佳字五言入韻

爲問長安道誰知此味佳山家添食譜園客老秋
懷容易霜鋤近商量曉擔偕風頭憐嫩甲露腳憶
新芡蒼玉和烟刷黃牙帶雪排脆催雙箸滑香愛
七菹諧暮思非張鱠朝餐勝庾鮭後凋松本性晚

節話寒齋

賦得朋來當染翰

得來字五言入韻

三益論交日千秋作者才翰欣當客染人喜得朋
來結習留鴻雪高情寄麝煤凌雲金是管繁露玉
爲杯飛雅因風汎敲詩倩雨催神仙真李郭侍從
况鄒枚賦手羣英會書家二妙臺文章華

國筆占氣慶魁台

賦得若泥在釣

得釣字五言八韻

藝事搏泥喻從心驗化醇氤氳歸大塊埏埴荷洪
鈞紺想坏形古青知火候純一九元氣毓羣象太
和甄效本如陶正功甯比燧人陰陽催炭合橐籥

鼓風頻有器當其用無爲運以神平中欽

聖範率俾徧重垠

賦得經神學海

得神字五言八韻

注記何休博箋傳鄭氏新試探原似海夙望本如
神萬卷經生筆千秋學士津山深儒拜席日出雅
扶輪南國來冠佩東瀛有組綸一鄉通德仰三闕
衆流臻俎豆羣賢敬淵源舊說循

君師欽

首出文治普陔濱

賦得竹箭有筠

得筠字五言八韻

試驗猗猗竹洵知禮在人材良看有箭質美本如
筠金錫洪泉簣琅玕嶰谷珍翠留霜節勁蒼澁露
華新文采雲三色精神月一輪地鍾千畝秀天護
四時春竿許祥鸞集林宜翽鳳振清標依

禁籟噓植荷

皇仁

賦得山以仁靜

得仁字五言八韻

領畧看山趣山容藹可親氣機原主靜土核以爲

仁地積三成秀天留太古春
千巖霖雨蘊一壑性情真
鬱律坤舍物安敦良止身
谷深香在子嶽峻德生申
夜景芝英長朝暉樹色新

御園

宸抱暢對育仰

鴻鈞

賦得夙夜惟寅

得寅字五言八韻

九重勤政日况復在廷臣
願以唐虞業勩茲夙夜身
豈徒歌匪懈各自勉惟寅
亮弼陳謨典和恭協佩紳

土階冀報曉暘谷草知春官履星神聽朝衣月露
新都俞

宵旰意作息井田人

聖諭因循戒欽承答

紫宸

賦得蔗葭致功

得勤字五言入韻

勵志如農志農功致孔殷事先蔗乃葭力以耔兼
耘日影鋤揮汗膾香甬舉雲千芟融澤尺一簣趁
陰分綠到禾根淨黃知土脈墳鳥聲催耒發人語

在榆枌稂莠隨時去
籌車計歲欣繪幽陳

黼座無逸

帝心勤

賦得舒文廣國華

得文字五言八韻

冊府精華擅詞垣
黼黻勤雍容宣

國化忠愛萃人文
摹繪唐虞業賡揚稷契羣風同三代
炳香陋六朝薰天上明奎壁人間續典墳
爲光皆湛露成采盡融雲色借京都潤聲從雅頌分

持衡歸

聖主丹筆煥彤雲

賦得賀雨詩成雲滿山

得雲字五言入韻

好雨山山徧裁詩意正殷詩先成賀雨山尙滿餘
雲薄靄巒頭合微涼筆底分天光圍澹沲人意對
氤氳塔影當牕見泉聲隔岫聞吟情題外著畫境
眼中紛是處鱗臙潤誰家犢撥勤休徵

天有喜松棟譜南薰

賦得山水方滋

得文字五言入韻

老莊風漸遠顏謝派旋分山水歸模範詞章洽見

聞奇搜千嶂上潤漱百川瀆轉覺清言永何妨逸
思紛羽陵探不竭珊瑚海派偏勤韻吐三湘月毫生
五嶽雲永嘉還啟秀光祿早揚芬妙喻雕龍在移
情六代文

賦得馮夫人錦車持節

得孫字五言八韻

詔下出關門夫人錦幟尊和戎來赤谷持節諭烏
孫信義存諸部威儀重外藩千軍倏使轍五色壯
行轅雲護龍鸞字花藏虎豹旛繡塵春萬里香土
月雙痕玉轡昆彌拜金符漢主恩琵琶歌出塞可

似此轡軒

賦得道德爲藩

得藩字五言八韻

遵道人歸極

當陽德在元

皇心孚作所眾志式爲藩四塞歸仁圓羣方拱禮門出
甯天宇泰修教國維尊壯氣金城衛祥風玉壘屯
九園環戶闔一范鞏墉垣繡障山河色雄封

雨露恩萬年徵保定宥密

聖功存

賦得雲恩雨澤

得恩字五言八韻

甘雨從雲至敷施荷泰元無私方布澤有截盡含
恩我自油油覆人思滴滴源普天瞻起嶽大地喜
隨轅協氣網緼撰神功翕闢門曉來

雙鳳闕春在萬家村敷濩沾能遍行生妙不言

帝虔孚

昊貺齋禱正

臨軒

賦得太平鼓

得年字五言八韻

坎坎兒童鼓嘉名豈浪傳俗成康阜日事紀太平
年五采留雲粲重環帶月圓千聲如意節六律至
和宣穀報三登後花催隔歲前布門胥樂土記里
盡良田戶戶吹幽曲家家作臘錢康衢人擊壤同
我慶

堯天

賦得心正則筆正

得權字五言入韻

一語書宗闢千秋筆諫傳問心知守正應手自無
偏浩氣參丹契真機證墨緣鋒洒霜影淨毫對日

光圓春蚓秋蛇外家雞野鶩前撥鐙盟夙夜伸紙
落雲烟自愛元和脚何論夢得肩李唐金石在誰

繼柳公權

賦得娵娵福地

得娵字五言入韻

信有書生福張華此地傳性原就典冊身許到娵
娵萬國璿圖志千秋寶鑑編玉京誇富貴璧府著
神仙過眼三層室回頭二十年龍吟門外月蟬伺
洞中天吉采占雲氣靈光應斗躔石渠開秘省

文治誕敷宣

賦得年豐廉讓多

得年字五言八韻

講讓興廉日觀民問俗先賴原多富歲慶已普豐
年市絕貧夫壟途隨長者肩清風楊氏里化雨芮
人田酒醴會孫福衣冠父老筵萬家熙皞地九宇
泰和天花發交柯樹珠還合浦泉弭邪欽

聖諭郅化暢垓埏

賦得天雨洗兵

得天字五言八韻

萬里平戎捷諸軍唱凱旋勝兵呼動地靈雨恰從
天雷殷神威振風清沴氣蠲未妨沾鎧甲不是淬

戈鋌塵淨黃沙戍波澄碧海烟其濛歸其慰奚後
望非懸劍戟銷鋒日雲霓沛德年甘膏符

聖澤敢頌屢豐篇

賦得律中中呂

得宜字五言八韻

占令調陰呂恢台八律先驗筒音應徵吹琯位乘
乾充大名斯寓清和節漸遷西行羣物旅中氣六
陽宣晡雨催梅候晨風助麥天千林方夏假百卉
變春妍義比由庚暢生方在巳全

聖心符解阜撫序肇

薰絃

賦得稱物納照

得朝字五言八韻

一氣靈暉闢含光稱納遙照臨天運普作觀

聖功超震出羣方旦離懸萬物昭瀛洲依旭麗滄溟見
烟消湛露敷芳甸融雲縵慶霄尊親窮壤化煦育
大鈞調桑曙飛鳥景桐生集鳳朝無私

心鏡握四表仰

神堯

賦得柳橋晴有絮

得橋字五言八韻

指點垂楊路晴光第幾橋暖吹濃淡絮春藹短長
條雪意紅闌積烟痕碧樹消蓬蓬迎日麗宛宛受
風調密糝橫塘近斜鋪斷港饒千絲虹腹暗十里
馬蹄遙卅酒思前度萍波報昨朝

恩暉融太液青鎖正趨朝

賦得五月渡瀘

得毛字五言八韻

夔道天重險瀘江地不毛南征方五月上將擁千
艘浪惡神兵下風歎鬼彈逃三津銅鼓動兩岸火
輪高蜚霧鳥櫓合狼烽赤木鑿羽揮名士扇星照

丈人旄稽首諸會懾攻心七縱勞檜谿尋昔渡炎
瘴尙驚濤

賦得琴德最優

得和字五言八韻

眾器誰爲最惟琴蘊至和知音憑聽取論德豈能
過手撫融風協心涵古雪多五聲清若此六氣暢
如何俗笑箏琶耳高嫌徵羽歌平中歸太素愷悌
答卷阿蘭有空山秀桐生曉日柯

聖懷廛解阜

薰軫秩南訛

賦得氣和先作雨

得和字五言八韻

指點油然作知時雨澤多一機先醞釀六氣已冲
和雲自祁祁起風方淄淄過新涼微垤蟻遠霽起
峯螺澹蕩天如接氤氲水欲波陰真堪助麥聲尙
未暄荷調燭

宸衷念耕田

帝力歌

雩齋誠感召閭渥慶滂沱

賦得甄陶在和

得和字五言八韻

治喻甄陶用楊雄論不磨天鈞惟善運民質貴無
頗中正歸洪範剛柔協太和爲爐隨所受鼓氣妙
相摩炭是陰陽合風宜解阜多鑄人真蕩蕩造士
盡峩峩吹律應同否調羹較若何型鎔叨

聖化愷悌咏卷阿

賦得桐始華

得花字五言八韻

金井驚秋後芳情隔歲賒春將三月晚香始數株
斜澹靄雲陰薄輕籠露氣加一分留宿雨百尺掛
朝霞漸覺孫枝透猶妨閨葉遮葦看別院璀璨

定誰家消息前時幹風光此度花祥鸕文五色相
映正清華

賦得竹外一枝斜更好

得斜字五言八韻

幾樹江干爛筠林翠半遮忽從千个外得見一枝
斜萬碧春如夢雙清月在花寒分牆角嫩香到鬢
邊華出手烟痕活回頭雪意餘倚愁方料峭顧影
又交加風滿前村路雲孤淺水涯此中詩境好妙
句擅誰家

賦得橘柚垂嘉實

得嘉字五言八韻

問訊深山側山寒橘柚嘉垂林知歲晏登實紀年
華牆亞朱苞重隣添翠幹遮露香隨手得烟影到
肩斜秋色催新乳春光憶早花星分天上種霜落
楚南家稅計人千戶書遲水一涯他時陽羨約作
頌向誰誇

賦得黃瓜生

得瓜字五言八韻

四月恢台節中田始有瓜秀先傳夏正賁恰證詩
家草挈形全別黃菟種浪誇半棚垂宿雨千顆散
朝霞烟護芳條重風扶翠蔓斜摘來含雪液削去

破瓊華佳候同梅實清芬勝豆花綿綿歌飈盛

天祐頌惟嘉

賦得麥隴風來餅餌香

得香字五言八韻

八隴薰風好風吹麥氣香課農分餅餌來饁饋籠
筐汁比淘時綠蠶從搗後黃重羅珠屑馥十字雪
條芳釜喜晨餐飽盤知午汗忙炊雲看玉麴計日
又金穰春響千家外餽聲兩岸傍紅綾曾啖處歡

拜

聖恩長

賦得百草吹香蝴蝶鬧

得香字五言八韻

雨後園飛蝶風前徑有香暖催花事鬧春對草心
忙弱翅紛雙簇繁英萃百昌烟爭鋪扇翠露帶浣
衣黃取次三千艷分番廿四芳綠雲圍曉砌金粉
半寒塘地接笙歌院天開錦繡塲夕陽南浦外青
夢笑蒙莊

賦得時有養日

得陽字五言八韻

舉正時維仲依辰晷有常記會占養日序恰近端
陽出憶寅春早迎欣午夏長小年森若木大化煦

扶桑氣普吁茶外風調長育方從容銅漏駐取次
土圭量紅報重輪煥黃瞻兩珥祥南訛

薰殿秩解阜普遐荒

賦得洗心藏密

得藏字五言八韻

易理占能玩觀心驗所藏洗時窺湛寂密處叩微
茫性蘊原無滓天根詎可量六時澄泰宇萬象闕
靈囊鏡拭虛明界珠求沕穆鄉端倪涵體用神智
測圓方日日新惟續淵淵靜有常緝熙欽

聖學念典勅幾康

賦得敦俗勸農桑

得桑字五言八韻

惟厚民生勸敦勤俗本良及時謀畝畝布令始農
桑政首來畚戒功先載績忙村村牛背笛戶戶馬
頭禳曉雨催良耜春風執懿筐占星疇有事計日
服章禹甸川原古幽圖歲月長田蠶廛

帝念九野慶豐康

賦得政化平如水

得平字五言八韻

化宇恬熙日調鈞紀政成普天民會極如水

帝懸衡蕩蕩函三運淵淵抱一貞中孚原利涉上善本

無爭心以澄明見風從暢泝行砥瞻周道坦鏡仰
聖人清薄海隅皆率長河軌已平安瀾羣送喜

宵旰切持盈

賦得燕外晴絲卷

得晴字五言八韻

乍覺絲絲裊旋看燕燕輕細容花外卷斜趁柳邊
晴蕩漾簷牙照呢喃屋角聲暗吹妨翠掠遙睇認
紅縈畫語纏綿對春心宛轉迎風痕雙翦隔塵影
一簾平草際香泥暖人前畫檻明江村多景物菱

線又鷗盟

賦得庚子日拜五經

得庚字五言八韻

剛定經惟五尊經溯篤生吐書期告子陳冊日宜
庚玉檢辛壬備牙籤甲乙名精靈金水合數位地
天成事比諷丁肅旬先算亥盈大橫秋象緯長至
夜璣衡間氣三辰會神光二酉貞上章符

聖瑞萬國拜

文明

賦得上質不飾

得誠字五言八韻

漢制匡衡議維郊本至誠報功宜上質致飾豈能

亨綺玉官儀僞陶匏德產精八觚空象著六采詎
文明事以章天貴人惟掃地行一心千福集五夜
百神迎舊記甘泉館元音大呂聲

零壇欽若契

聖敬肇禮成

賦得敬實不求華

得誠字五言入韻

至論傳應邵求之祀事明敬深儀及物實至享惟
精詔岱神甯格孚隣禴用成信先馨錡釜德自潔
粢盛有恪瞻元黻無言酌太羹禮原昭易簡樂已

聽和平抱蜀羣靈護升階百福貞

雩壇通

吳絳

聖念契欽誠

賦得勤素成風

得成字五言八韻

身率先勞義人崇太素名俗敦民質厚政洽國風
成葑屋衣冠古桑田日月貞七襄懷杼軸四塞抵
瑤瓊春鐸官師諫秋幽婦子聲衣甯辭再澣裘亦
薄三英

黼座書無逸綿區鏡

至清我

皇勤儉意億載協寰瀛

賦得執禮持衡

得衡字五言八韻

時柄持兼執乘離治嚮明四和嘉以禮萬物式於
衡火著威儀象陽宣律呂聲修容輦帶字齊政斗
杓名南陸車旗備中鈞雀燕平訓昭功長養則受
物充盈道路臣民軌璇璣日月行

聖人方麗正天下化觀成

賦得誠信生神

得生字五言八韻

五德根於信三才立以誠
共知神運普都本敬心
生理已占盈缶功先驗
倚衡梅花天地秘著草卦
爻精无妄週通復中孚
以利貞豚魚酒至化俎豆
聽和聲

恭己衣裳煥由庚道路平

經筵欽

睿論一體洽輿情

賦得鑑不辭形

得形字五言八韻

朗若千秋鑑紛然萬有形來時原不拒燭處任頻
經妙應憑因付忘疲豈杳冥園中窺色相真際驗
虛靈照比層水徹舍同止水冷山河隨月現寥廓
任雲停仁壽春前曉須彌象外青

聖人金鏡握明達仰

虞廷

賦得中和誠可經

得甯字五言八韻

樂職誠堪慶明良仰

帝廷中從三極建和協萬邦甯懿鵠君臣式祥鸞律呂

聆槃孟觀以水風雨協惟星遵道康莊達調元鼎
兼馨剛柔民是訓位育

聖其型運會千秋盛廢揚百代經

宸衷欽抱一閩澤沛垓溟

賦得政貴有恆

得恆字五言八韻

治貴成悠久周王訓可徵鎬鄴觀政遠日月得天
恆南國綏和績東郊保障能棠甘思舊憇黍膏計
新登令繼優優布風威皞皞仍無疆邦永賴有道

承保定千年會貞元

六位乘

福敷同

極建茂懿慶方增

賦得澄風觀水

得澄字五言八韻

觀水原頭活如川莫不增試於微浪靜對此好風
澄有象成文後無聲入畫曾水衡千里澈月印一
輪升天闕琉璃界雲開鬢鬢層披襟窺色相到眼
辨淄澠澹沲休徵協虛空妙理凝

至清瞻

聖鏡渙號萬流承

賦得萬物任興

得興字五言八韻

號物應論萬敷宣
暑假能樂緣堪自
任象恰見方興
大火昭融正炎風
長養憑蔚林樑棟
器多稼雨暘徵燕
雀生成遂螟蜩變
化承咸章天地遇
相見潔齊稱起已
滋而敷由庚繼以
增

聖功欽格致不息協升恒

賦得水澤腹堅

得水字五言八韻

氣沍重潭水陰生
大澤冰凍添泉腹
厚堅到雪膚

凝頓覺天漿結全殊地肺蒸玲瓏看共訝空洞笑
何曾孕月寒偏重懷珠冷不勝鰲頭高幾尺驪頷
隔千層徹底心同潔剛中理可徵淵衷常自矢丰
骨儼稜稜

賦得時雨若

得微字五言八韻

問雨

皇心切知時

帝渥承德通

欽若契念協肅之微地脈維和溥天膏有渰興舉雩占

月建運斗快雲騰農墾千家起神漿十日仍霏甘
敷大澤灑潤遍長陸薰度瑤琴汎祥調玉燭凝民
依厯

黼座施普

六龍乘

賦得五音調夏鈞

得陰字五言入韻

乍啟端陽宴先聞廣樂音協鈞宜在夏吹律始調
陰位以爲宮迭時應撫序欽天中符管籥雲外聽
璆琳玉瑄風方溥璿筒氣自斟鳳儀

三殿近鸞奏萬花深賡拜千秋會堂廉

一德心五聲敷

聖政雅曲譜薰琴

賦得積善成德

得心字五言八韻

勸學徵荀子功緣積累尋善應從似水德已式如
金餘慶羣倫立惟聰五事欽靈囊參沕穆性府渾
高深畜本天山富恒占日月臨水歸千派壑土峻
百重岑得一拳拳服宣三贊贊心出甯瞻

睿聖延訪逮儒林

賦得曉寒留得一分花

得陰字五言八韻

花信凌晨探輕寒別院侵十分含宿雨一晌閣朝
陰暖待風痕透香留露氣深依微餘曉暈料峭抱
芳心九九圖剛遍三三徑可尋催春遲幾日論刻
抵千金天護繁華節人懷錦繡林相將番廿四屈
指好長吟

賦得潭影空人心

得潭字五言八韻

本以心能澈翻緣影可參境宜觀止水人恰對空
潭一碧靈源接雙清妙理探聰明真雪淨智慧定

珠含皎潔水壺悟澄虛月印諳圓中窺太極方外
笑瞿曇

禁液雲輝五

仙瀛海照三

宸衷符至契同仰

聖涯涵

賦得甘雨滿缶

得甘字五言八韻

筮比爻爲缶初占雨意舍坤輿敷處滿坎水澍來
甘流已盈科得漿同挹斗探惠心非外益化澤已

中覃溪谷字皆遍盤孟義可參筭應惟用二籌已
告登三山甕千祥聚衢尊萬衆酣

執盅徵日肅

閩渥普丁男

賦得三十六雨

得三字五言入韻

化洽天和渥依旬雨作甘計年剛六六協序恰三
三穀候千厓滿梅時十日諳雲膚應有約月額好
相參春至宮都遍陽生管再探宛同期不爽幾忘
澤均覃風信重重到雷聲殷殷舍洗兵方報捷

恩沛大醕酣

賦得三月正當三十日

得三字五言八韻

計日攄吟筆詩從賈島探欣逢春正滿恰是月當
三九十韶華麗連番淑氣覃芳傳風候遍潤數雨
旬甘棟信關心晚莫莖屈指諧恰符車幅運漸識
斗杓南序已占來儻功應足飼蠶融和

天上景茂對與時參

賦得刺繡五紋添弱線

得添字五言八韻

令節初陽至良工繡采拈五紋迎日麗一線計時

添緝藻絲抽蘭分花影到簾金鍼憑結縷銅漏幾
傳籤巧自誇心印勞甯惜指尖粉圖才有瓣錦字
未歸隘課月功應倍書雲色並兼迎長欣

化晷歲事繪衡閭

賦得儒爲雞廉

得廉字五言八韻

多士揚

廷日儒家自謀嚴置身原鳳藹立志視雞廉每警翰
登躁都緣木養恬稻梁餘幾粒風雨到重檐共食
應知足卑棲亦易厭野謀安飽戒臆語晦明兼待

餉心甯計懷

恩祿並霑

聖慈甄育廣願各勵堊鹽

賦得五日畫一石

限十四鹽五言八韻

佳石留王宰何年啟畫奩
休論遲五日端不負雙
縑開竈嶙峋現含毫
皴瘦添半句人惜墨
一品客題籤風侯無心到
雲根信手拈韻緣參
赭活期恰采藍詹全幅
成還未分窠妙已兼
至今山水筆真

欲勝吳閻

賦得咸有一德

得咸字五言八韻

一德君臣契書篇首發凡舉隆羣俊上甯協萬邦
咸家以宣三友心先勿二緘用中孚主極爲下願
民暑角徵堂廉樂凝丞左右監天生申降嶽帝賚
說圖巖屏翰龍光錫絲綸鳳詔銜都俞千載會

聖度仰和誠

賦得霽日懸高掌

得晴字五言八韻
嘉慶己卯陝西鄉試題

賈絕金仙掌高峯儼削成撥雲剛告霽懸日正開
晴碧指三霄迥紅飛一鏡明凌虛斜漢落倒影大

河橫臂挽空蒼合拳舒暖翠盈人間霞采綸天上
露華清縹緲鷄初報熹微鶴乍迎華封同曝獻願
祝

萬年航

此首以高字串

其二

積雨芙蓉暗今朝杲日明靈垠占氣霽巨掌報秋
晴懸待陽和抱高纜沆瀣擎千巖分旭卉幾點見
雲英絕頂烟霞麗餘輝草木榮九光隨晃朗五指
愈崢嶸圖畫開金碧神仙接玉清如升歌

壽寓嶽祀慶剛成

此首以齊字串

其三

華掌連霄碧
敵光掌外晴
飛鳥隨指點
懸象最分明
霽喜三漿挹
高宜一柱撐
舉頭思日捧
出手已天擎
散去朝暉滿
探來爽氣盈
蓮花供攬勝
若木待寒榮
曙色來秦時
秋光接漢京

聖人金鏡握
普照逮寰瀛

此首以掌字串

其四

萬仞來高掌
誰懸曉日晴
忽看羣岫霽
但見一輪

明雲外瞳瞳現峯前朗朗行半空開火鏡絕險挂
銅鉦近向天關出遙臨地軸平神潭窺有影仙井
掬無聲好句拈張說奇才賦李程場中紛五色珍

重貢

神京

此首以懸字串

賦得曉汲清湘然楚竹

得然字五言八韻
道光乙未湖南鄉試題

問訊漁翁艇溪鄉乍曉天湘流清可鑿竹影翠相
連垂綆臨風汲攀條帶露然擎來紅日漾熱去碧
雲鮮取次烹茶候侵尋釀黍年江山供俯仰水火

正調宣林密曾樓鳳碕寒或釣鱖

恩波珊瑚好甄此楚材全

其二

指點湘灣曉依微對岸烟山瓢方欲汲巖竹正堪
然灑氣靈源挹餘香活火煎筍纔燒版熟茶已泛
甌圓旭嫩提壺地雲深抱甕天浴蘭懷往事煨芋
記何年客自吟三楚人猶想七賢朝來江上過有
斐愧成編

同懷弟彌光樸園編輯

子尙忠春卿

尙志任卿校字

石雲山人詩集卷二十二止

石雲山人詩集卷二十三

筠清館詩餘

南海吳榮光伯榮

春風第一枝

溫怡可承悌
上舍婚詞

寶幄承歡花輿送喜喜度良宵三五銀臺早慶

恩濃

尊人時爲
大銀臺

瑞香才斟春酒君家玉鏡記曾判從容

天語恰趁取

帝里風光昨夜上元笙鼓

暢好是鸞迴鳳舞又無那

風酣月醉香奩百福粧臺彩筆雙題繡戶盈盈却扇乍

偷覷眉兒新嫵儘今宵論刻抵千金細囑窓櫺休曙

又

更喜明朝紫簫雙引初日畫堂春聚宜男花綰同心長
壽牋裁連縷彩衣試着恰初見黑頭翁嫗拜大母老福
婆婆一對夫纓妻組 報今歲秋風桂子又明歲春風
杏蕊瀛洲舊滿青雲穩步前塵付與花枝第一聽此度
仙娥親許記百花頭上探春來異日馬蹄香處

買陂塘

孫平叔方伯爾準招
游城西西湖和韻

憶菰葦十年訊斷西泠可似斯境連朝雨過城西曲看
到睡鳧波冷羣綠淨正芰老菱香容易窺秋影身閒宜

稱且昨日鷗盟今宵漁夢不必問詹尹 看曙色恰趁
霧消雲賸一聲欸乃無盡疎花密竹隨陸宵是我來時
烟徑何處問又古寺蒼涼半晌迴頭省琅琅聞磬借禪
榻斜安龍團細點好對萬山靜

又

和唐陶山廉訪
仲冕江珙柱韻

莽平沙零星貝殼幾人拾得如數蜜丁馬甲稱名異添
作江鄉食譜擊兩柱向淺瀨深灘多少論漁簿誰能漑
釜正蛋雨蕭疎蠻烟湫灩雙槳好風露 城南路携來
隨分漁賦官家只當豪舉紅紗白玉同風味略記川西

髯語分付與藕梳簫盃一曲陂塘度詩人領取恰赤峴
揚帆滄波如鏡麗以石華句

高陽臺

招陶山平叔游張氏園亭陶山首唱遂和其韻

露氣初鮮風痕乍翠四圍山色當筵磴轉峯迴沿厓聽
到新泉綠陰一道盤桓去問青雲得路誰先浣塵襟坐
向盤陀挹向漪漣多慚野外無供給但蟬聲嘒樹鳥
語窺簾試吸簫杯披襟人在樓前江瑤荔子剛携得較
風情玉脆珠甜喜歸來萬瓦鱗鱗又起炊烟

買陂塘

平叔以仇山村詞本贈陶山陶山拍謝詞中兼及鄙人因和韻報之平叔少時與陶

山在江南醉
唱下闕及之

乍飛來雙雙錦字涼雲一片如許夜窓料悄挑燈讀恰
聽浪浪暑雨箇中語問誰是山村誰向山村佐調高心
苦便依約絃聲商量琴趣譜入短長句 江南弄可記
春鶯秋鶯幾多曾種花處况添年少霓裳客往日旗亭
堪數天涯樹想舊譜新聲此外還誰與導吾先路甚錦
繡如心神仙換骨携向五雲去

憶舊遊

拜李鄜齋方
伯祠同賦

記秋風歸櫂六鶴堂開照我壺冰嘆幾番傳舍遇含沙

影急誓水身輕如公一死何懟死後骨猶清但迴首題
襟痛心磨鏡一拜祠庭 英靈憶前事正飛章奏到動
色盈廷多少呼冤淚有萬人如海擁駐雙星

天聽久從民聽昭雪慰幽冥看聞水魂來椒漿慟哭衢
路聲

紅情

六月二十五日題
畫盆中紅蓮花

貯將靚色正翠羅圓罩紅紗單密歸夢迢遙珠女珠兒
記曾識悄入江南圖畫裏悵悵目成心憶恰坐向消夏
筵中嫩灑粉痕濕 迎立倚風側似試舞翠盤又逢生

日滿泓玉液出浴餘香注波碧歎息佳人絕代誰更譜
紅鹽昔昔待好月來照也畫闌一笛

綠意

題畫小沼
白蓮花

生來自潔更小池乍曉風韻都絕獨立污泥愛惜芳心
艷極不因人熱六郎枉有如花貌莫只向花中同說但
願爲騷客衣裳消受粉濃香疊忽憶西瀛風露早朝
策馬過香滿衣褶竦玉鰲金甘載優遊容易冰調藕雪
而今一癡如烟眼又欲問盈盈誰折算從頭悟到根塵
付與花間涼月

鳳皇臺上憶吹簫

陶山有琥珀烟壺失去二十五
年復得之繪圖按拍屬予和韻

一握心香故人持贈盈盈在手芭蕉問斑迴紋轉得似
前無廿五年華如水請待子竟得歸乎從今後奇擎掌
上莫詫狂且何如人生寄也嘆與世推移幾許江湖
甚分釵合鏡返璧還珠底事根因輪轉看長物一樣胡
盧爲公祝仙家日長請視斯壺

滿江紅

咏鮮荔
枝和韻

來自秦州已飽啖朱櫻綠橘聞道是涪渝有種仙漿如
蜜擘笛已添供奉譜飛塵空入詞人臆快今朝暑雨散

輕紅江頭驛 指廳事延佳客低戶樹垂簷物笑側生
連理都承恩澤入飢仁看冰椀冷分甘又喜雲綃擘愧
朝朝三百顆親嘗吾何力

又

蜜浸荔枝和韻

露潤風鮮已漬到丁香金橘爲丹果留將顏色百花釀
蜜醖醱香痕侵皓腕依微汗氣沾紅臆貢

天家絳縠駐長春泉南驛 憶隨扈年如客開上塞來
方物感香鑪遠立得分餘

澤捧出幾瓶仙液好盛來一顆瓊瓢擘到如今又把

東華山人集卷二十三
五
貢餘嘗慚筋力

五采結同心

詠黃彈
子和韻

錯金成辦列繡攢莖何人撰此山花喜同心五綵憑拈
手續紛燦結詞葩團團萬簇光明錦迎初日釵股槎牙
恰人在九仙山畔風光露氣雪華 看到落花成果似

紺丸初轉養出黃芽似夜來朝斗乍元精耿耿回首殘
霞幾多逐彈饑寒客莫錯認杯影弓蛇待取作桃英菊
實等閒餐遍恒沙

南歌子

詠陳
家紫

寄到無雙譜探來著作家紫綃深靚渲殘霞中有天漿
吹氣釀瑤華 仙露應團掌香風不在花綠羅紅粉漫
相誇請看仙衣一品好丹紗

法曲獻仙音

和陶山謝贈
雁門集韻

水賦歐南風涼代北五百年前人遠魏闕江湖絲豪竹
醉天涯僅留斯卷似他洛妃環珮凌塵出波面 甚堤
堰記青驄風流行遍問小杜樊川可同淒婉數客路行
滕有幾首杜秋重見聞海蒼涼恰相逢大雅盤坳願手
舉芳草送向讀騷庭院

青玉案

送平叔中丞
開府皖江

好携謝朓驚人句，向獨秀山頭住。翠幙紅蓮油碧樹，千
家釀露，萬家膏雨，竹馬兒童路。却憐愁我棠陰許。

任又被催將皖公渡，一片秋心無盡處。山亭擘荔湖

亭煮茗異日懷人賦

百字令

題孔荃溪觀察昭虔琴雅詞
稿時觀察量移江西糧道

春來何處莽天涯，愁入美人香草三十年前紅杏影。曾
被東風顛倒。

觀察後余一
科成進士

月白當頭花芳竟體，有個人

年少酒闌燈燧一聲飛上蓬島。懊惱七載榕雲今朝

萍水又話西江道水遠如天天較近只恐有情

蝶多愁鴛鴦雙慧

夫人善填詞

此福誰修到旗亭他日別多

傳寫多少

又

家紅山舍人葆晉之祖湛山廉訪以乾隆丙子開筵九武昌登高學使陳味齋贈詩越道光壬辰開重九紅山招客作登高會繪圖索題余壬辰開重九亦有麓山之集未開及之

秋雲一笑看詩孫似祖少陵重九七十六年燕楚日兩

度携壺今又淺碧重拈圓黃全放一樣閒窓牖低徊往

事座中都滿良友 回首西塞銷兵南衡歸棹岳麓登

高酒小墜看花遊似夢孤負小桐疎柳兩鬢將衰一冠

先落過眼誰懷舊長安居穩歲寒重辦皚白

又

題顧南雅菴通政畫梅
花卷卷中自題十絕句

幾生脩到問人間誰似癯仙影好三十六春都在手寫
出枝頭春早鍊雪爲神撐冰作骨澹把烟痕掃墨花狼
藉一時傳得新豪 潦倒問訊空山淒迷往迹十絕空
才藻筆妙如花花似筆只任月圓天老啾翠夢迴嗅香
魂返一卷開晴昊根塵誰悟思君多在瓊島

法曲獻仙音

題朱某堂青衫舊跡卷
卷裝其選拔詩賦

六翮風痕七襄雲影卅五年前初地翰墨英靈篇章斷

爛驚人僅留斯紙看他神仙冉冉少年此飛去 思往事
慰孤寒幾人開淚儘五色場中奪標青紫奈青紫磨
人更容易鬢絲顛顛一領青衫問前塵是甚風味美宦
成回首聊作文章遊戲

望梅

一名解連環。楚剡侍郎姬人玉梅以事歿於西滄作悼梅圖屬題

芳魂一轉儘神仙換骨花開如願聽從頭話到根塵正
烟影橫斜水痕清淺萬里江山記昨夢玉門關遠奈有
人腸斷卅首詩成風淒雲惋 寫來一枝哀怨憶貯嬌
湟水金屋初暖問小字花似人春怎花覺春長妾憐春

短多謝春回依舊見月溶霜凍待珊珊佩環歸影早春
庭院

清平樂

題清湘老人
金陵十景冊

繁華無限都付雲烟眼一老江頭春晚晚寫到舊時臺
館可憐剩水殘霞管騰鷗夢漁家名士美人何處六
朝芳草天涯

百字令

僧六舟拓古彝器廿四種
供以四時花卉畫卷索題

韶光幾轉莽迢迢數到夏殷周漢二十四番風料悄吹
人人家臺院萬樹花紅千年土碧有箇人偷眼新新故

故聚來供我摩玩 須判鐘鼎功名苑枯富貴只有天
公管天若有情天未老迤邐長留璀璨墨裏因緣花中
消息任節移時換吉金長壽閱年春色深淺

滿江紅

小女祿卿閩
中家書至

恩許歸來天涯路迢迢閩粵頻念汝三山烟雨正逢秋
熱四十三年前夕夢五千餘里今宵月待家書一紙萬
金來心如結 檢初服收殘帙錦囊貯青箱物報清風
兩袖幾行芳札南北東西隨侍處陝黔湘浙承歡日笑
褻釵原不讓諸兄吾何歎

永遇樂

歸田後逢
計偕日

十一月廿五日

世上風雲山中日月催我前去記得今朝八千餘里露
宿風餐處金門射策玉堂視草曾被

聖恩留住更遭逢繡衣行部楚南迢遞開府 黔閩遠
隔薇紅柏翠猶許臣家內顧四十三年皇華杖杜往返
君親路蒼茫回首湘雲甌月舊日巢痕未掃今垂老鄉
關馬首尙堪憶不

同懷弟彌光樸園編輯

女尙熹祿卿校字

石雲山人詩集卷二十三止